

Lisha Wana-Kondoo kwa Upole

Na tunda la baki hupandwa katika amani na wale wafanyao amani.—Yakobo 3:18.

Mchungaji wa kweli wa Bwana Yesu anapaswa kuzungukwa na mazingira ya nuru ya kiroho, kwa sababu ameunganishwa na ulimwengu wa nuru, na anatembea na Yesu ambaye ni nuru ya ulimwengu. Mabishano yanaweza kupingwa, kushawishi na kusihi kunaweza kubezwa, miito ya ushawishi zaidi, ikiungwa mkono na msimamo wa mantiki, vinaweza kupuuzwa; lakini tabia hai ya uadilifu, uchaji Mungu wa kila siku katika nyanja za maisha, shauku kwa ajili ya mwenye dhambi popote anapopatikana, roho ya ukweli uwakao moyoni, uking'aa kutoka usoni, na utulivu kwa kila neno litokalo mdomoni, hutengeneza hubiri ambalo ni vigumu kulipinga au kuliweka kando, na ambalo hufanya ngome za Shetani kutetemeka. Wachungaji wanaotembea na Mungu wamefunikwa kwa vazi maridhawa la mbinguni, na ushindi utaonekana katika juhudi zao.

Wale ambao wanahusika katika kazi kubwa na ya thamani ya kuuonya ulimwengu hawapaswi tu kuwa na uzoefu binafsi katika mambo ya Mungu, bali pia wanapaswa kukuza upendano wa wao kwa wao, na wanapaswa kujitahidi kuwa na nia moja, maamuzi mamoja, na kukubaliana. Kukosekana kwa upendo huu kunamfurahisha sana adui yetu mwenye hila. Yeye ndiye mwanzilishi wa husuda, wivu, chuki na mafarakano; naye anafurahi kuona magugu haya maovu yakiuzuia upendo, mmea ulio mwema wa ukwaji wa mbinguni.

Haimfurahishi Mungu kuona watumishi Wake wakilaumiwa, wakikosolewa, na kushutumiana wao kwa wao. Amewapa kazi maalum, ile ya kusimama katika kuulinda ukweli. Ni watendakazi Wake; watu wote wanapaswa kuwaheshimu, na wanapaswa kuheshimiana.

Jeshini, maofisa wanapaswa kuheshimu maofisa wenzao na punde watu binafsi hujifunza kutoka kwao. Wakati viongozi wa watu katika mapigano ya Kikristo wanapokuwa wema na wastahimilivu, na kudhihirisha upendo na heshima ya pekee kwa watendakazi wenzao, wanawafundisha wengine kufanya vivyo hivyo.

Heshima ya mfanyakazi mwenzetu inapaswa kulindwa kwa bidii. Mtu akiona makosa ya mwingine, hapaswi kuyakuza mbele ya wengine na kuyafanya kuwa dhambi kubwa. Yanaweza kuwa makosa ya maamuzi, ambayo Mungu atatoa neema Yake ili kuyashinda. Kama angalionga kwamba malaika, ambao ni wakamilifu, wangefanya kazi kwa jamii iliyoanguka vizuri zaidi kuliko wanadamu, Angeikabidhi kwao. Lakina badala yake Alituma msaada uliohitajika kwa kupitia kwa wanadamu wadhaifu, wanyonge, wakosaji, ambao, wakiwa na mapungufu kama wenzao, wanaandaliwa vyema ili kuwasaidia.

Hapa alikuwepo Petro, ambaye alimkana Bwana wake.... Kabla ya miguu ya Petro kuteleza, hakuwa na roho ya upole iliyohitajika ili kuwalisha wana-kondoo; lakini baada ya kuwa na utambuzi wa udhaifu wake mwenyewe ... aliweza kuwaendea karibu kwa huruma mno, na angeweza kuwasaidia (**Historical Sketches, 120, 121**).